

Firipai

Pas nda Por ai Firipaihündambo sürü papımarandi

1 ¹Por ro Timoti-dibo Sisas Kraisindi moani ratüpuriye-rihoandeimb-anehi. Se Godindi nendi Firipaihüendi Sisas Krais-babidi aniboadei asu anihondumbo-rihindeimbimbo hifandi-rundeimbi asu farihou-rundeimbi babidimbo se muᅅguambo karihasihandür-anei. ²Sihefi Ape God asu Adükari Sisas Krais ai siheimbo moani hıpoambo-ndineandürühi ᅅgusüfoambe afurifimbi hohoanimo mbısabinandür-amboane.

Por ai Godimbo hihifimarüri

³Ro siheimbo hohoanimo-yahandürühi-ana siheimbohünda wandı Godimbo hihifirihüni arihandi. ⁴Ro siheimbo muᅅguambohünda muᅅguambo si Godimbo didibafi-yahandowohü hihifi-hihifiya arihandi. ⁵Horombo se Kraisimbo anihondumbo-marihori ra hei-heimbo haponda asu ro aboedi hoafi bokari-hefembohünda wambo farihehindiri arihüendi ranimboanahi ro Godimbo hihifarihüni. ⁶God ai rani-simboani piyu haya sihei ᅅgusüfoambe aboedi ratüpuri ratüpuriyu humbo asu süngunambo Sisas Krais asükaindu kuduani ratüpuri ra moendindeambui, ro ranahambo türüfoarihe anihondumbo-riheandi.

⁷Ranimboane ro siheimbo yahurai hohoanimoayahi ra aboed-ane. Ro siheimbo ᅅgusüfo parariheandüri. God ai sihefimbo moani hıpoamboa-reamunühi ratüpuri mami masemuni. İᅅga ro haponda karabus-ambe animboahiyo asu horombo karabusi-fekoate-yaheand-ambe manimboahiyo aboedi hoafi ranahambo anihondü nafuimbo asu nindou ᅅginindi anihondumbo-fembo farihehe arihandi ra se wambo farihehindiri arihüendi. ⁸Ro siheimbo ᅅgusüfoambe afindi hohoanimo-ayahandüri asu rani hohoanimo ra Sisas Kraisindi-mayo-ane. Ro ranimbo anihondumboanahi hoafayahi, ᅅga God ai wandı hoafi ra anihond-ane mbüsümbui.

⁹Ro Godimbo didibafi-yaheandühi sahiya, sihei ngusüfoambe nindou ngorümbo ngusüfo pefe ra afindi hamindi tükümbifendür-amboane. Asu rananimbo se aboedi fifirindhindühi asu sihei hohoanimoambe ra sündihoe-ndürimboe. ¹⁰Ranimbo se hohoanimo yibobondihindühi aboedi hohoanimo ra fifindhimboyei. Süngunambo Krai kusü simboani ra se sürühehi-ndeimbi asu hütikoate-ndeimboyei. ¹¹Sisas Kraisindi wari-süngu mbumundi hohoanimo sihei hohoanimoambe tükündifewani asu nimorehi nindowenihi ai hoeindhindühi Godimbo aboed-ani mbiseimboyei.

**Por ai karabusimefiyu raniyo asu nindou
afindi ai aboedi hoafi himborimaye**

¹²Wandafi mami, se ra fifirimbihinda samboanahi, wambo karabusi-marundiri ra aboedi hoafi hoafiyo hombo mafarihendi. ¹³Ranimboane asu muṅgu prisma ai Rom adükari bogori Sisarindi wori hifandimbo, asu bidifiri amuri amboani ai fifirihindi ro Kraisindi hoafi sünguarihandi ranimbo-hündamboyo wambo karabusi-marundiri. ¹⁴Anihondümbo-rihindeimbi wandafi afindi ai ro karabusi-meheandi ranimbo hohoanimomaye. Ranimboane asu Adükarimbo anihondümbo-rihorühi ngusüfoambe kikimifoarihi hehi yihimbokoate-yeihi asu Godindi hoafi wataporimborihü arihündi.

¹⁵Ḷga bodimondi nindou ai simbori hifinambofe-yomondühi wambo ngusüfoambe moaruwaimbo-rundirühi Kraisindi hoafi bokarihau arundi. Ḷga bodimondi ai diboatoru hohoanimo-yomondühi Kraisindi hoafi bokarihau arundi. ¹⁶Ḷga ro aboedi hoafi anihondü nafuimbohünda animboahi ra nindou ranai yaru fifirundi. Ranimboane asu ai wambo ngusüfo parundirühi Kraisindi hoafi bokarihau arundi. ¹⁷Ḷga bodimondi ai ahamundi-hoarimbo yangiri hohoanimo-yomondühi moai diboatoru Kraisindi hoafi bokarihau rundi. Ai hohoanimo-yomondühiya, 'Ro randihundan-animbo Porimbo karabus-ambe tiṅirifo tükümbifendo-wamboane,' mehomo. ¹⁸Ḷga ambe, moanane masahi. Aboedi hohoanimonamboyo asu moaruwai hohoanimonamboyo, ai muṅguambo Kraisimbo bokarihau arundi. Ranimboanahi ro hihifi-hihifayahi.

Ranimboane asu ro hihifi-hihifinda ḡgamboyahi. ¹⁹Ḷga asu ro yarihe fifiriheandi sihafi didibafife asu Sisas Kraisindi Yifiafindi fehefe raninambo süngunambo karabus hiniṅgindihe hehea tükündaheamboyahi. ²⁰Ro afindi yifirayahi ra Kraisindi ratüपुरi hiniṅgi-ndiheandühi amoaniṅgi-ndamboyahi sahehea, ḡga haponda hamindi ro yihimbokoate Kraisindi hohoanimo süngundihe ḡgamboyahi horombo yarihe marihandi nou. Ranimbo ro yangiri animboahiyo asu yifayahiyu ra Kraisimbo aboed-ani mbiseimboyei. ²¹Asu nimboe ro yangiri animboahi? Ro yangiri animboahi ra Kraisimbo-hündamboane.

Ŋga ro yifindahani, ra wambo aboedi saf-ane. ²²Ro yanggiri animboahi ana, ranani ratūpuri aboedi ratūpuri-ndamboya. Ro yifayahiyu asu yanggiri animboahiyo nine aboedayo ra moai fifiriheandi, ŋga nahanimbai? ²³Ranahambo ro yiboboarihandi. Ro Krai sowanambo hafo ai-dibo nimarimbo asahi, ra aboed-ane. ²⁴Ŋga asu siheimbo fehefendūrimbo hifi ndanihū animboahi ranai ŋgasūnde-amboane. ²⁵Ro wudīpoaporihe fifirariheandi nda, ro ndanihū se-babidimbo nimboambo sihei hihifi-hihifi asu anihondūmbofe ra ho-hombo afindi tūkūfembohūnda fandihe-heandūrimboya. ²⁶Ranimboane asikai siheimbo sowahi ŋgahani se wandi sūngu Krai simbo afindi hamindi siaondahindūhi ŋgusūfoambe fufuriboadi-himboyei.

Firipaihūndi Por-babidimbo rani ratūpurimbo tiŋirifo-mbeyei-amboane

²⁷Ŋga se aboedi hohoanimo yanggiri sūngundihū ndūhūndi, Krai sindi aboedi hoafi hoafimayo nou. Ŋga raninambo ro siheimbo sowahi tūkūnda-heandūhindoani wanindoani, hoafi nda randihe himborinda samboanahi. Se mami moatūkunimbo yanggiri hohoanimoyeihi ŋginindihūmindi ni boadei. Asu aboedi hoafi ra anihondūmbofe hohoanimo ranahandi nimindihane, ŋga se mami hohoanimo yanggiri siŋgurihindūhi anihondūmbofe ra fehefembo tiŋirifoyei arihūndi ra himborinda samboanahi. ²⁸Ŋga se sihei hūrūtūmbimbo yihimbokoate ŋgei. Se randahindani ana, aheimbo nafūnda-hūndūrimboyei ai awandihehimboyei, ŋga se aboedambondahi handi hehimboyei. Ŋga God ai ra randeambui. ²⁹Sapo se Krai simbo anihondūmbo-rihinda God ai Krai simbohūnda siheimbo ndondomareandūri. Se Krai simbo anihondūmbofembo yanggiriyo-poani, ŋga asu ahambohūndambo asūbusi semindimbo kapeihiyo ndondomareandūri. ³⁰Ŋga asu horombo ro se-babidi nimboah-ambe ro Godindi ratūpuri tiŋirifomayahi ra se hoeimarihindi. Ŋga haponda ro ahandi ratūpuri tiŋirifoayahi ra se himboraye. Ŋga haponda se ro nahurai tiŋirifoaye.

**Sihi sihefihoari moananefi mbisefūh-animbo wandafi
mamimbo hohoanimo-ndahundūri-mboane**

2 ¹Krai se-babidi nūngumbo siheimbo ŋginindi sagadūri arandi raninambo se ŋginindi ani boadei. Ai siheimbo ŋgusūfo pareandūra se ŋgusūfoambe afurihi amarei. Se Yifiafi Aboedi-babidi wudīyeihi asu se nindou ŋgorūmbo aboedi hohoanimoyeihi hipoambo-arihindi. ²Ranimboane asu wambo afindi hihifi-hihifimbohūndambo, mami hohoanimo sūngundihindūhi, sihehoari simbori ŋgusūfo pefirindeihi, mami hohoanimo sūngundihindi. ³Se sihehoari yanggiri hohoanimondeihi niŋondi-ndeimboyei. Ŋga se sihei fi hifinambo-ndihindūhi bodimondamboya, ai ndeari hamind-anei mbisei. ⁴Se sihei

ranani moatükunimbo yanggiri diboadofemboane mbiseimboyei, nga bodimondi-yafe ranani moatükuni kapeihü diboadofemboane mbisei hohoanimondei.

Krais ai ahandihoari fi hifinambo-mareanda God ai adükarimbomariri

⁵Sisas Krais ai hohoanimomayu rahurai se mandihü süngundihindi. ⁶Koadürümbo-koadürümbo Krais ai God-ani, nga ai moai God nahurai niŋgombo ra kikihamindu, nga moani hiniŋgimareandi. ⁷Ŋga God nahurai niŋgombo ra ai ahandihoari hiniŋgimareandi, asu moani ratüpuriyu-randeimbi nahurai hohoanimomo masemündu. Nindoumbofi tüküfi nüŋgumbo, asu nindou-yafe fi wusindamündü manüŋgu. ⁸Nindou ranahambo nindou nahurayu hoeimarihori, nga ahandi fi hifinambore hayambo Godindi hoafi süngura humbo yifimayu. Yini, nimi keimbi karihe-ndeimbifihü yifimayu. ⁹Ranimboane asu God ai ahambo serümündü hafu nimoamo hiniŋgirirühi, asu muŋguambo ŋgasündeandeimbi bogori kamafoariri. ¹⁰Ranimboane asu nimoamonindi, hifinindi, hifi hoarehindi nendi muŋguambo ai yirimbo pusindihi Kraisindi hoarehi nimandeimboyei. ¹¹Asu muŋguambo ai Sisas Krais Adükari Bogor-ani mbiseimboyei. Ranimbo-hündamboane ndüri adükarümb-ani mbiseimboyei.

Sihiri ŋgorü nindou-yafe mbusümo si nahurai-ndefomboane

¹²Ranimboane asu ŋgusüfo pariheandüreimbi mami, ro se-babidimbo nimboahambe se nimbi-nimbisi wandi hoafi himbori-yei marihündi. Ŋga haponda se-babidi nimarikoate-yahambe se wandi hoafi ra süngundihi ŋgei. God ai siheimbo aboedambo-mareandüri, nga ratüपुरi ra moendifembohünda se aboedi hamindi nimarimbohündambo bübüriŋindahi ŋgei. ¹³Sapo nini-moatükunimboyei God ai yifirayu ra se yifiriyo hefe ratüपुरimbohünda farihendüri arandi.

¹⁴Muŋguambo moatükuni se ratüपुरindeihü ŋgiri yiyoaruko hoafindeihimbo simbori-simborindei. ¹⁵Ranimbo-hündambo se moaruwai hohoanimokoate-yeimbindeihü asu Godindi aboedi sürühehindeimbi nimori nimboeimboyei. Hifinindi nimorehi nindowenihi ai diboadofekoate-yeimbi moaruwai hohoanimoyei-rihündeimb-anei. Ŋga se aheimbo yanggiri niŋgombo hoafi hoafindeiani, se ahei mbüsumo niboadeimbo sindeimboyei mupui nimbokoani siayo nahurai. ¹⁶Se rahurai randihindani, aheimbo yanggiri niŋgombo hoafi hoafindeiani, Krais ai asüakai kuduani, rasimboani ro sihembohündambo hihifi-hihifindahühi hoafindamboyahi, 'Ro moani hoanggirihe tiŋgiri-yahühüyahipoani.' ¹⁷Se Godimbo anihondümb-rihorühi ratüपुरiyei arihündi ranimbo God ai hihifi-hihifayu se ahambo sesi sihefembo nahurai-ane. Wambo hifokoarahindiri ana, ra ro se-babidi Godimbo sesi

sihefembo nahuraindimboe asu se-babidimbo hihifi-hihifindamboyahi.
 18 Raninambo asu se-amboani ranahambo ro-dibo hihifi-hihifindei.

Timotindi hoaf-ane

19 Adükari Sisas ai yifirayu ana, ngiri amitata Timoti siheimbo sowanambo koandihahina düdü sahehea hohoanimoayahi. Rananimbo asu ai asükai düdü siheimbohündambo wambo hoafinduani, ro ngusüfoambe hihifi-hihifindamboyahi. 20 Nindou ngorü moai rahurai nüngu, nga Timoti yanggir-ani ro mami hohoanimo sünguarifoandi. Siheimbo farihefendürimbo ai afindi hohoanimoayu. 21 Bodimondi ai aheiroarimbo yanggiri hohoanimoyei arihündi, nga Sisas Kraisindi ratüpurimbo moai hohoanimoyei. 22 Ijga se yarihi fifirihindi, Timoti ai nindou aboed-ani. Aboedi hoafi hoafimbo wambo mafarihendiri, nimori ai ranani moatükuni ratüpurimbo afindambo afariheirü nou. 23 Ranimboane asu nini-moatükuni tüküfemboayo ra nüngundihe fifindihe mbundihambo-animbo, nimai koandihahinani siheimbo sowanambo mbüsünuwa asahi. 24 Ro türüfoarihe anihondumbo-riheandi Adükari ai yifirayu ana, ngiri amitata ro-amboani siheimbo sowana didihi.

Epafroditusindi hoaf-ane

25 Epafroditusimbo siheimbo sowanambo koehefiwa sinimbo hohoanimoayahi. Ai sihefi wandaf-ani, nga ai ami nahurai wandi mami ratüpuriyu-randeimb-ani. Wambo farihefe-ndirimbo sei hehi, koamarihehora wambo sünimbo mafarihendiri. 26 Siheimbo hoeifembo afindi hohoanimoayu. Se ahambo angünimbomayu hoafi himborimayei ranahambo fifire hayambo asu siheimbo afindi hohoanimo-mayundüri. 27 Anihond-ane, horombo angünimboyuhü ndearambo akimi hamindi yifimbo yanggirimayu. Ijga asu God ai ahambo hipoamborirühi diboadomarira asu aboedimefiyu. God ai moai ahambo yanggiri hipoamboriri, nga wani. Ijga ai wambo amboani hipoambo-mareandiri, nimboe ro afindi hohoanimomayahi, nga asu ai yifimbei-mbonana, ro afindi hamindi hohoanimoya. 28 Ranimboanahi ahambo koehefimbo afindi hamindi hohoanimoayahi rananimbo se asükai hoeindihorühi hihifi-hihifindeimboyei. Rananimbo asu ro siheimbo afindi hohoanimokoate-ndamboane. 29 Ranimboane asu se hihifi-hihifinambo Epafroditus ndahorimindei Adükarimbo anihondumbo-rihoreimbi ai anihondumbo-rihindeimbi asahorimindei nou. Se yahurai nindoumbo ndüreimb-anemo mbisei. 30 Ai Kraisindi ratüpuri ratüpuriyuhü ndeara akimi hamindi yifiyuane, nga ai moai ahandi fimbo ndorihefe niŋgombo hohoanimoyu. Ijga wani. Se wambo fehefendirimbo masei, nga ngirindei. Ijga sihei-mayo fehefe ra wambo saimbohünda ahandi angüni ra karefarihoei hayambo ahandi ratüpuri ratüpuriyayu.

**Nindou didiyei Kraisimbo anihondumbo-
arihori ana, ai mbumundi hamind-anei**

3 ¹Wandafi mami, hoafi nda moendifembohunda randihe hoafinda samboanahi: Se Adükari-babidi animboei asu ranahambo se hihifi-hihifindei. Rani-moatükunimbo asukai siheimbo sürtü papimbo ro moai yiboarukoyahi, nga ro siheimbo fandihe-heandürimboyahi.

²Nindou afoendi yafori nahurai ratüpurü moaruwai ratüpurüyomo-rundeimbi ahamumbo se hibadihümbö. Rani nindou ai hütü-hütirundürühi hoafiyomondühiya, ‘Sihiri münguambo Suda rarihi arihündi süngu sihefi fi-hoeari kandihu tindihumboane,’ mehomondüri. ³⁻⁴Ngga Kraisimbo anihondumbo-rihuri arihündi sihiri Godindi mamisiri hond-ane. Nimboe sihiri ahandi Yifiafinambo ahambo hihifi-hihifimbo kakisaorihurühi asu Sisas Kraisimbo ndüri adükareimbani sefi arihündi.

Nindou düdi ahandi fimbo moatükunimbo yanggiri türüfoare anihondumbo-areandi ranahambo ro nggasündi-hinimboanahi. ⁵Wambo me ai wakimara-mindindiri ra 8 siyo hayamboyoane, wandi fi-hoeari karu tirimari-hoemondiri. Ngga asu ro Israerihündi Bensaminindi sirambeahind-anahi. Ro Hibruhünd-anahi asu wandi meape amboa Hibruhünd-anafe. Ngga ro ndorihe Farisi-yafe ahinümbi hohoanimo ra süngurihe marihi hahi. ⁶Ro ahinümbi hohoanimo süngufembo hütü-hütüya habodihühüyahahi asu Kraisindi nendi aheimbo moaruwaimbo-mariheandüri. Nindou ai Suda-yafe ahinümbi hohoanimo ranahambo hohoanimoyei asu wandi hohoanimo ranahambo yibobomarihindi ranahambo ro hütikoate-yahi.

⁷Horombo rani-moatükuni ra wambo ndorihoayo-weimbi hondü hamindi-mayo, nga asu haponda Kraisindi süngumbo rani-moatükuni ra moanane asahi. ⁸Roana Suda-yafe moatükuni ranahambo moanane yahombo yanggiryahipoani, nga wani. Ngga münguambo moatükuni ranahambo moanane asahi Sisas Krais wandi Adükarimbo fifirari-hinimbohünda. Rani-moatükun-ane ai afindi hamindi hondayo, nga asu münguambo aboedi moatükuni hifi ndanihünd-ambo ranana ai yafisühumi nahurai-ane. Roana Kraisimbo yanggir-anahi süngumbo hohoanimoayahi, nga asu bidifiri amuri moatükuni ranana hinngi-mariheandi, nga asu rananimbo ro Kraisimbo yanggiri kikihisafindi-hümündimboyahi. ⁹Ro ahinümbi hohoanimo sünguariheandi ana, wambo mbumund-ani mbiseiani, ra moanane, asahi. Ngga ro Kraisimbo anihondumbo-ariheandi ana, God ai wambo mbumund-ani mbüsüani, ra aboed-ane. ¹⁰Ro Kraisimbo ndondihini fifirindihini samboanahi. Ai yifihündi botimefiyu, rani nginindi ra fifirindihea samboanahi. Krais ai tijirifo masemündua asu ro-amboani waboadihinimbo tijirifo ndahamindi samboanahi. Ai hohoanimoyu

mbura, yifimayu nou, ro-amboa rani süngundahea samboanahi. ¹¹Ro rani-süngundihe heheambo-animbo ro-amboani yifihündi botindaheamboayahi sahehea-mboanahi hohoanimoayahi.

Por ai tüküfembo-yowami tüküfembohünda pipimayu hu

¹²Ro Kraisindi hohoanimo moai muᅅguambo sünguriheandi asu nafirihamindihi, ᅅga wani. Ranimbo-hünda awi ro tiᅅirifoayahi muᅅgumboayowami tüküfihi takini semindimbohünda. ᅅga ranimbo-hündamboyu Kraisi ai wambo wand-ani, mehu. ¹³ᅅga wandafi mami, ro hohoanimoayahi, moai awi muᅅguambo tüküyaheandi, ᅅga ro mami moatükuni yaᅅgir-ane süngurihe arihandi. Wandi horombodidi hohoanimo ra moanane asahi, asu süngunambo Kraisi nahurai ndorihoeimbi niᅅgombo rani hohoanimo tiᅅirifoayahi. ¹⁴Ro muᅅgumboayowami tüküfembo hüti-hütiayahi napo semindimbohündambo nahurai. God ai Kraisindi wari-sünguyu wambo hoafimeindiri sünambe God-dibo niᅅgombohünda ra napo nahurai-ane. ¹⁵Sihiri didiyefi hohoanimo ᅅginindi kükühi-foarihundeimbayefi ana, sihiri amboa hohoanimo yahurai randihu hohoanimo-ndefomboane. ᅅga bidifiri se hohoanimo ra mami süᅅgufekoate-ayei ana, God ai siheimbo rani hohoanimo ranahambo koriboadeandürümbui. ¹⁶ᅅga sihiri aboedi hohoanimo sahumindefimboanefi rani hohoanimo ra kikihisafi-ndihumindefimboane.

¹⁷Wandafi mami, se muᅅguambo wandi hohoanimo ndani-süngundihindi. Siheimbo aboedi hohoanimo nafuimari-hundüri. Nindou ai rani hohoanimo rasüᅅgurihi arihündi ranaheimbo diboadondihi hoeindihindüri mbundihü-mboanimbo, se-amboa rasüᅅgundihi ndühündi. ¹⁸Horombo siheimbo afindimbo hoafimehandüri, ᅅga haponda arani himboahombo-rihamindihühi hoafayahi. Nindou afindi ai moaruwai hohoanimo süᅅgurihi arihündi asu raninambo Kraisi nimi keimbi karihe-ndeimbifihi yifimayu ranahambo daboadi hihirima-rihindi. ¹⁹Süᅅgunambo nindou ranai ana awarindi-hehimboyei. Nini-moatükuni ai yifirayei rani-moatükunimbo yaᅅgiri hohoanimoyei arihündi ra ahei god nahurai-ane. Ahei amoaniᅅgümbi hohoanimo ranahambo boriyei riᅅündühi asu hifinindi moatükuni ranahambo yaᅅgiri hohoanimoyei arihündi. ²⁰ᅅga sihefi ᅅgoafi hondü ana sünambe-ane. Adükari Sisasi Kraisi sihefimbo aboedamboreamunirandeimbi ai sünambeahindi kosimboayu ra hifandarihundi. ²¹Ahandi ᅅginindinambo ai muᅅgu-moatükuni ra ahandi hoarehindimboe. Asu mami rani ᅅginindinambo ai sihefi fi moaruwai fiyoweimbi ra hihiri-boadeanda asu ahandi rani-poanimbo fiayu nahurai tükündahu-mboeyefi.

Hihifi-hihifindeihi wudindeihi aboedi hohoanimo süᅅgundihindi

4 ¹Ranimboane asu se Adükari-dibo aniboadei ra se ᅅginindihümündi niboadei. ᅅgusüfo pariheandüreimbi, ro siheimbo afindi

hohoanimoayahi. Siheimbo ro hihifi-hihifiyahühi asu ngusüfoambe yibidafoa-riheandi.

²Yuodia-ane asu Sindiki-ane, sihafembo hüti-hoafayahi, se Adükari-dibo animbafé, nga se wudi-wudindafineandi. ³Ŋga se ro-dibo ratüpuriyafi-randeimb-anafi sihambo hoafayahanini, “Nimorehi yimbu ra fandihawapiri,” masahi. Kremen asu wandi mami ratüpuriyei-rihündeimbi babidi nimorehi yimbu ai tñjirifo-mayafe aboedi hoafi hoafimbohünda. Horombo God ai ahei ndüri muŋgu koadürümbo yanggiri niŋgombo bukambe sürü papimarani. ⁴Se Adükari-dibo amarei, nga rananimbo muŋguambo si hihifi-hihifindei. Asukai hoafayahi, se hihifi-hihifindei. ⁵Nindou bodimondi sihei himboari hoafendi hohoanimo hoeimbirihind-amboane. Ŋga nggiri amitata Adükari ai kudu. ⁶Se nggiri nini-moatükunimbo afindi hohoanimondei. Ŋga nini-moatükuni siheimbo fehefembohündambo se Godimbo hihifindihorihü didibafindahindo. ⁷Ranimbo asu se Kraisd-dibo nimandeimbo Godindi afurife hohoanimo ranai sihei hohoanimoambe asu ngusüfoambe ra nggininda-mindimboe. Afurife hohoanimo ra nindou ai nggiri aboedi fifindihindi.

⁸Ŋga wandi bidifirani hoaf-ane nda: Aboedi hohoanimo asu hohoanimo ranahambo nindou aboed-ane sei arihüندی ranahambo se hohoanimondei ndühüندی. Hohoanimo ra anihond-ane, ndondofeimb-ane, diboadorihoeimb-ane, sürühoeimb-ane, aboedi saf-ane asu hohoanimo ranahambo aboed-ane ase, rani hohoanimo ranahambo nimbi-nimbisi se hohoanimondei. ⁹Ro wataporimbo-marihandi asu yamundi-marihandüri ra se fifirihimboane asu nini-moatükuniyo ro ramariheandi ranahambo himborimayeiyu asu hoeimarihindiyu muŋguambo ra se süngundihi ndühüندی. Se randihindani, God afurife hohoanimo saimuni-randeimbi ai se-babidi nimandümbui.

Ahei-mayo fehefe ranahambo Por ai hihifimarandüri

¹⁰Haponda se asükaiyei wambo hohoanimoyeiyu mafarihehindiri. Ranimboanahi Adükari-dibo hihifi-hihifayahi. Horombo se wambo farihefe-ndirimbo sei marihüندی, nga nüŋgundihi mafandihhindiri. ¹¹Ro moai rananini moatükunimbo mbonimbo-rihamindi hehea hoafiyahi, nga wani. Ŋga ro fifirihe-amboanahi nini-moatükuni wambo tükefeyo ranahambo ro moai afindi hohoanimoyahi. ¹²Ŋgorü-simboa ro napo mbonimbo-rihamindi, asu nggorü-simboa napo afindeimbiya rani-moatükuni ranahambo nggiri afindi hohoanimondahi. Nini-moatükuni tüküfeyo ranahambo ro moai afindi hohoanimoyahi, nga aboedi nimari arihandi ra ro fifiriheandi. Ro sahasi heheambo nahurai-mbayahiyo wembopo nahurai-mbayahiyo, afindimbayo akidoumbayo rani-moatükunimbo wangeti-ane asahi. ¹³Krais ai wambo ngginindi masendira, asu ranina ro muŋgu moatükuni ra randiheamboiyahi.

¹⁴Ŋga wambo moaruwai tüküme feyoa, se mafarihehindiri ra aboed-ane. ¹⁵Firipaihündi se-amboa yarihi aboedi fifirihindi, horombo ro peya hehea, Godindi aboedi hoafi ra bokari-hefemböhünda, Masedonia hifi hiniŋgi-mariheandi. Rasimboa Kraisindi nendi ŋgorü ŋgoafihündi wambo moai farihehindiri, ŋga se yaŋgiri farihehindiri hehi wambo kaki masehindiri. ¹⁶Ro Tesaronaikahü nimarhambe bidifiri moatükuni mbonimbo-marihamindiha, rasimboani se yahunümbimbo farihehindiri marihündi. ¹⁷Ro moai sihei-mayo napo semindimbo yaŋgiri hohoanimoyahi, ŋga wani. Ŋga se wambo mafarihehindiri ranahambo God ai siheimbo aboedimbireandür-amboane asahi. ¹⁸Sihei-mayo mungua-moatükuni masahamindihi. Ra akidouyopoani, ŋga adükar-ane. Epafroditus sihei-mayo moatükuni semündü süni wambo masendira, ranane asu ro afindi engoro. Sihei-mayo moatükuni wambo masehindiri ra Godimbo aboedi fisiŋarü moatükuni saimbo nahurai-ane. Rani hohoanimo ranahambo God ai aboed-ane yahuhaya hihifi-hihifayu. ¹⁹Se nini-moatükuni mbonimboa-rihümündi ra wandi God ai ahandi napo afindeimbi saf-ane ra Kraisindi süngu siheimbo dagadürimbui. ²⁰Sihefi Ape Godimbo koadürümbo-koadürümbo aboed-ani mbisefomboane. Anihond-ane.

Hihifi hoafi

²¹Godindi nendi Krai Sisas-babidi aniboadei aheimbo hihifarihündüri. Bodimondi wandafi mami ro-babidi amarei, siheimbo amboani hihifarihündüri. ²²Godindi nendi ndanihü amarei siheimbo hihifarihündüri. Romi-yafe bogori adükari Sisarindi worambe ratüpuriyei-rihündeimbi ai-amboani siheimbo hihifarihündüri. ²³Adükari Sisas Krai ai siheimbo moani hipoambo-mbireandür-amboane.